



SAOPĆENJE ZA JAVNOST

Revidiran Plan za rješavanje predmeta ratnih zločina

Predmeti haške oznake A riješeni još prije deset godina

(Brčko, 27.7.2023. godine)

U skladu s revidiranom državnom strategijom iz 2020. godine, Tužilaštvo Brčko distrikta BiH podnijelo je Visokom sudskom i tužilačkom vijeću BiH izvještaj o realizaciji Plana za rješavanje predmeta ratnih zločina za prvo polugodište 2023. godine. Plan se odnosio na predmete u fazi istrage, kako po poznatom, tako i po nepoznatom počiniocu, pri čemu je bilo planirano rješavanje dva predmeta po poznatom počiniocu. U međuvremenu, Tužilaštvo je izvršilo polugodišnju reviziju Plana, nakon koje je za rješavanje tokom godine planiran i jedan predmet po nepoznatom počiniocu.

Rekapitulacija neriješenih predmeta ratnih zločina pokazuje da ovo tužilaštvo nema neriješenih predmeta u fazi KTRZ prijave. U fazi KTRZ istrage ostala su neriješena tri predmeta protiv tri lica, od kojih je jedno lice nedostupno organima gonjenja, usljed čaga je za njim raspisana potjernica. Kao i na početku planskog perioda, u fazi KTRZ istrage ostala su neriješena ukupno 72 predmeta, od kojih su 42 predmeta ustupljena od strane Tužilaštva BiH, a glavni razlog nerješavanja je nemogućnost otkrivanja počinioca krivičnog djela. U međuvremenu, u fazi KTRZ prijave, uz ranije otvoreni predmet koji se odnosi na proces revizije posmrtnih ostataka, otvoren je još jedan predmet ove vrste. Posmatrano po svim vrstama upisa, pred ovim tužilaštvom ukupno je u radu 77 predmeta ratnih zločina, a prema Revidiranom planu njihovog rješavanja do kraja godine bit će riješeni predmeti po poznatom počiniocu, u kojima su osumnjičeni dostupni, kao i jedan predmet po nepoznatom počiniocu. S druge strane, u fazi KTRZ optuženja pravosnažno su presuđena dva lica u dva predmeta, tako da je pred sudovima Distrikta, koji diktiraju dinamiku rješavanja predmeta u ovoj fazi, ostao neriješen samo jedan predmet protiv jednog lica.

Na nivou ovog tužilaštva u radu su istražni predmeti manje složenosti, od kojih se prioriteto rješavaju istrage po poznatom osumnjičenom, dok se pored zastupanja ranije podignutih optužnica, intenzivno radi i na rješavanju slučajeva po nepoznatom počiniocu. U periodu najintenzivnijeg rada na predmetima ratnih zločina, od 2004.g. do 2014. g, Tužilaštvo Distrikta procesuiralo je svih četrnaest osoba iz predmeta kojima je Međunarodni krivični tribunal za bivšu Jugoslaviju u Hagu dodijelio A oznaku složenosti. Šestoro njih je u Brčkom pravosnažno osuđeno na ukupno trideset i jednu godinu zatvora, i to: Kosta Kostić (15 godina), Konstantin Simonović (6 godina), Pero Rikanović (5 godina i 6 mjeseci), Monika Karan Ilić (2 godine i 6 mjeseci), Miladin Tošić (1 godina) i Dragan Živković (1 godina). Procesuiranje četiri osobe ustupljeno je drugim nadležnim organima, dok su istrage protiv isto toliko osumnjičenih obustavljene. U skladu s tada važećom državnom strategijom, procesuiranje tri osobe ustupljeno je Tužilaštvu Bosne i Hercegovine, a za jednu od njih krivično gonjenje s ove instance ustupljeno je Tužilaštvu za ratne zločine Republike Srbije. Pravosuđu te zemlje, Tužilaštvo Distrikta ustupilo je procesuiranje jedne osobe.

Revidirana državna strategija za rad na predmetima ratnih zločina usvojena je 2020. g. s ciljem da unaprijedi procesuiranje predmeta ratnih zločina pred domaćim sudovima i tužilaštvima, posebno kroz odgovarajuću raspodjelu predmeta između pravosuđa na nivou BiH, entiteta i distrikta Brčko. Aneksom B Strategije predviđeno je efikasnije procesuiranje najsloženijih predmeta, među kojima su prije svih predmeti protiv lica s A-liste Pravila puta, odnosno predmeti s ranijom standardnom oznakom A.

GLAVNI TUŽILAC

ZEKERIJA MUJKANović